



UPA 2015/99-100-101

Justus Hansen

25.marts 2015

99: Angajoqqaatut akisussaassuseqarneq pillugu inatsisip Kalaallit Nunaannut atuutilersinneqarnera pillugu Peqqussummut, Angajoqqaatut oqartussaassuseqarnermut aalajangiinerit il.il. nunani tamalaani atortussanngortinnissaat pillugit inatsisip Kalaallit Nunaanni atuutilersinnissaat pillugu Peqqussummut, Kalaallit Nunaannut oqartussaassutsimut inatsisip allanngortinnissaa pillugu inatsimmut, Aappariilersarnerup inatsisitigut sunniutai pillugit inatsisip Kalaallit Nunaanni atuutilersinneqarnera pillugu inatsimmut, Kalaallit Nunaannut eqqartuussisarneq pillugu inatsimmut aamma Kalaallit Nunaannut pinerluttulerinermut inatsimmut, Eqqartuussisarneq pillugu inatsisip allanngortinnissaa pillugu inatsisip Kalaallit Nunaanni atuutilersinnissaa pillugu Peqqussummut, Aappariilersarneq aappariigunnaartarnerlu pillugit inatsisip allanngortinnissaa pillugu inatsimmut kiisalu inatsisinut assigiinngitsunut Kalaallit Nunaanni Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut.

100: Aappariilersarneq aappariigunnaartarnerlu pillugu inatsisip allanngortinnissaa pillugu inatsisip ilaata Kalaallit Nunaannut atuutilersinneqarnera pillugu Peqqussummut, aappariinnerup inatsisitigut sunniuteqarnera pillugu inatsimmut aamma eqqartuussisarneq pillugu inatsimmut aamma nalunaarsukkamik inooqatigiinneq pillugu inatsisip atorunnaarsinneqarneranut Kalaallit Nunaanni Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut.

(Inuit marluk suaassuseqatigiit akornanni aappariilersarnerup kingunerisaanik nalunaarsukkamik aappariilersarneq pillugu inatsit pillugu peqqussutip atorunnaarsinneqarnera).

101: Meeqqat illersorneqarnissaat pillugu Haagerimi isumaqatigiissut pillugu inatsisip Kalaallit Nunaanni atuutilersinneqarnera pillugu Peqqussummut Kalaallit Nunaanni Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut.

(Pinngortitamut, Avatangiisinut Inatsisinillu Atuutsitsinermut Naalakkersuisoq)

(Siullermeenera)

Demokraatini isumaqarpugut piffissanngortoq uku siunnersuutit suliarinissaannut.

Immikkoortoq 100-mut, inuit suaassuseqatigiit aappariilertarnerat pillugu inatsimmut, tunngatillugu Demokraatini immikkut nuannaarutigaarput, inatsisip taassuma atuutinneqalernissaa ukiorpassuarni sorsuutiginiugatsigu. Isumaqarpugut inuit suaassuseqatigiit inatsisitigut assigiimmik pineqartartariaqartut, katinnermi, inooqatigiinnerullu nalunaarsorneqarnerani aamma inuit suaassuseqatigiit pineqartillugit. Isumaqarpugut Kalaallit Nunaanni nalliuttorsiuutigisariaqartoq manna inatsisissatut siunnersuut aqquqtagalugu



arnaqatiminoortartut, anguteqatiminoortartut, angutinik arnanillu atoqateqartartut kiisalu arnaasat angutaasallu asanninnermut pisinnaatitaaffiisa, innuttaasut allat pisinnaatitaaffii naligilermatigit.

Piffissanngorpoq suaassuseqatigiit Kalaallit Nunaanni katissinnaanngornissaat.

Demokraatini nuannaarluta siunnersuutit pingasuusut taamatut isikkoqarlutik akuerineqassasut inassutigaarput aammali ammaffigaarput ataatsimiititaliami suliareqqinneqarnissaat partiit tamanna kissaatigissappassuk.